



PERDANA
LEADERSHIP
FOUNDATION
YAYASAN
KEPIMPINAN
PERDANA

PERDANA LIBRARY
PERDANA LEADERSHIP FOUNDATION
NEWSPAPER CLIPPING

Newspaper	UTUSAN MALAYSIA
Date	14/12/2018

Pertembungan Dr. M-Anwar jadi punca

Oleh **AZMAN IBRAHIM**

pengarang@utusan.com.my

■ KUALA LUMPUR 13 DIS.

SITUASI ramai pemimpin UMNO Sabah keluar parti baru-baru ini didapati tidak mempunyai kaitan dengan sasaran majoriti dua pertiga Pakatan Harapan (PH), sebaliknya berpunca daripada pertembungan dua kuasa dalam bumbung yang sama.

Situasi itu sebenarnya memperlihatkan berlaku pertembungan kuasa di antara Pengerusi Parti Pribumi Bersatu Malaysia (Bersatu), Tun Dr. Mahathir Mohamad dengan Presiden PKR, Datuk Seri Anwar Ibrahim.

Ketua Pergerakan Pemuda UMNO, Datuk Dr. Asyraf Wajdi Dusuki (**gambar**) berpandangan, Dr. Mahathir dilihat amat

terdesak dan memerlukan kerusi-kerusi tambahan dalam Bersatu bagi memperkukuhkan kedudukannya yang bermula dengan 13 kerusi dan kini sudah mencecah 16 kerusi.

Katanya, dengan memasukkan enam lagi ahli Parlimen UMNO dan Barisan Nasional (BN) ke dalam Bersatu akan menguatkan lagi kedudukan politiknya sekali gus menafikan percubaan kumpulan Anwar yang dilihat makin tidak sabar untuk menjadi Perdana Menteri.

"Hakikatnya, jika tiada konflik politik di antara kedua-duanya, sudah tentu Dr. Mahathir tidak akan begitu mudah menerima sesiapa sahaja termasuk Ahli Parlimen UMNO dan BN yang ingin melompat parti ke-



Um-14/12/2018 m/s:9
pada Bersatu.

"Apatah lagi persetujuan awal yang dicapai dalam kalangan pemimpin tertinggi PH sebelum ini yang dilaporkan menutup pintu kepada sebarang ke-masukan Ahli Parlimen UMNO dan BN ke dalam parti mereka," katanya kepada *Utusan Malaysia* di sini hari ini.

Asyraf Wajdi berkata, jika PH yang kononnya memperjuangkan demokrasi dan kebebasan sejati, mereka akan tetap kekal berprinsip dengan menutup rapat pintu kepada sebarang aktiviti lompat parti.

"Apatah lagi dalam sistem demokrasi untuk wujud sistem semak dan imbang yang berkesan dalam kerajaan, sudah tentu pembangkang yang kuat amatlah diperlukan," ujarnya.